

英山縣志卷四

學校志

學宮
試院

典禮
學堂

學額
畢業

義學

人才之盛衰繫文教之隆替其應如桴鼓之捷周禮大司樂掌成均之法治建國之學政合國之子弟咸教焉是爲大學其小學之教師氏保氏任之自王子以下咸學於是是爲國中之學故當日者非獨庠序之中多士濟濟足徵作人之盛而化行俗美賢才衆多人皆可以備干城腹心之選謂非教澤涵濡之效歟自三代以還王者迭興雖其間更姓改物天命不常苟非大無道之國類皆有以宏其教育莫不於學兢兢焉清沿明制以科目取士郡縣無不立學有學官以爲學者之表率又有書院以爲學之補助機關教典之詳無以復加矣士可不自勉勵乎學宮之設冠裳禮樂規模大畧無甚殊異一有魁閣瓌偉之士出其中焉則學校因之增重是誠不可不深長思也清季廢科舉立學堂而學制一變羣才之興佇以俟之志學校

學宮

英山縣學在縣治西宋咸純年間知縣段朝立建後燬於兵明洪武初知縣朱陵重建九年知縣隋贊葺補未備正統間知縣賀完弘治間知縣郭郭正德間知縣黃流相繼增修嘉靖八年知縣葉邦榮改建於東三十四年知縣李鳳復遷於西隆慶三年知縣葉世行教諭漆星大加修葺建正殿五間前爲戟門爲

宰牲堂爲泮池爲月宮橋爲櫺星門爲祭器庫戟門左右爲名宦鄉賢祠正殿後爲啟聖祠殿左爲儒學大門爲儀門爲明倫堂堂東爲進德齋西爲修業齋後爲敬一亭爲魁星祠萬曆初知縣胡咸賓於左建教諭廳右建訓導廳前爲膳堂爲學倉爲射圃亭天啟三年知縣楊世祿改建北門外崇禎四年署縣事府訓導丁立表復遷城中縣治北寇燬止存聖廟三間櫺星門三間清順治十一年知縣王兆元復遷縣治西建正殿三間十一年知縣陳震先建明倫堂三間二十三年知縣劉五瓏建東西廡各三間櫺星門及左右名宦鄉賢祠各三間殿後啟聖祠三間三十七年知縣李澍於學前建屏牆南建魁星樓四十年

英山縣志

卷之四 學校志

二

知縣林弼教諭吳之騶始改建今學於北門鷄鳴山麓而以舊學宮爲文昌祠學博士宅正中

先師廟

舊爲大成殿明嘉靖九年更名

五楹前爲露臺下爲拜臺左東廡五

間右西廡五間前戟門三間門左名宦祠三間門右鄉賢祠三

間又前爲泮池

雍正七年知縣趙宗炅重修

池前爲屏牆

雍正七年知縣趙宗炅重修戟

門兩旁繞以垣東西爲門各一殿後爲明倫堂五楹兩旁繞以垣爲義路禮門殿西北爲崇聖祠三間爲屏牆爲門一間雍正七年知縣趙宗炅於學前之東捐建雲路坊屏牆西復改向捐建櫺星門乾隆十一年知縣董良弼於明倫堂左右添建朝房各一間三年教諭陳益於櫺星門外添建圍牆建東西門先後

添建兩學署至乾隆二十年漸就頽敝楹柱皆腐於蟻知縣張海因紳士呈請重修移崇聖祠與明倫堂相接遷正殿於後正坐鷄鳴峯前對文子山衆論僉同三閱月工竣道光三年春六安州同代理英山縣事萬年純同教諭王燮坊訓導余道謙及眾紳士因魁星樓不宜建於學宮之右乃移建於左在城守營署之旁又舊火神廟戲臺亦在學宮之右屢訟有案今春買得之以其臺基之石作魁星樓之基以其臺之木料移作興賢館後廳以爲小試衡文之所又學宮前右側歧路如剪亦甚不宜乃以戲臺之磚另立屏牆一座於學宮之前一以堵絕其路一以障蔽街頭諸屋脊形勝敞豁煥然改觀真一舉而四善備焉

英山縣志

卷之四

學校志

三

咸豐三年兵燹後燬廢甚多知縣何家驄督紳修理同治三年亂後廟左圍垣倒塌六年興賢館出費修理其有四配十哲後殿兩廡牌位龕座匾額戟門各處牕櫺俱被毀廢知縣徐玉珂督紳修理全備至光緒間棟宇漸毀丙申五月大水由城東破垣衝入宮牆益頽壞戊戌知縣陸士奎督紳彭庸李立崇聞映蘭段昭融等總理籌款重修辛丑告竣並勒碑以記其始末記附歲丙申土奎由庶常改官得是邑下車之始展謁文廟見夫棟宇傾圮丹堊剝落心焉慨之卽議籌款重修乃甫及三月邑境竟遭大水廬舍蕩析城郭未議修者又二牆亦益餘迨壞然籌賑籌撫卒尠暇而廟之卒未議修者又二牆亦益餘迨壞然之秋城工葺事邑紳等始環進而請修也條教不一事之難以始尤難於圖終眾志不齊不足以集也教不一事之難以立今修抑且廟助理各董而其集効乏眾擎其多則材易滋集訟其咄欲預可

而不得者又或則故各騰前縣議之圖遂其挾私者阻此亦英山之不逮歟
意料所必至否則各騰前縣議之圖遂其挾私者阻此亦英山之不逮歟
亦揚以於成斯事舉之難今耳合雖邑皆予踴躍承乏修斯邑敢不無紳始等圖之請猶必
倡首以於成斯事舉之難今耳合雖邑皆予踴躍承乏修斯邑敢不無紳始等圖之請猶必
力以就其監事乎乃亦論於三簿書分之甲暇時募乃親自各督紳四自大購料兩庶
兩學以就近監事乎乃亦論於三簿書分之甲暇時募乃親自各督紳四自大購料兩庶
以及宮牆之照牆均折卸重創始於其戊秋畢工於辛夏計首尾之幾及者
崇之泮池之照牆均折卸重創始於其戊秋畢工於辛夏計首尾之幾及者
三載共是用英錢柒千五百餘緡成內外以氣碑煥然予一新不規文制亦崇宏有無
往昔共於是用英錢柒千五百餘緡成內外以氣碑煥然予一新不規文制亦崇宏有無
成者誌其顛末也追維力首事多之然非因前此之慮屢議屢輟而蓄志深於
而積力久恐不能若是之堅持又或官非久任事非一成仍手則頭
緒紛繁易滋科葛恐亦是難澈始澈終然則謂斯舉之非一成仍手則頭
會之適然者亦可也
爰拜手而爲之記

歷代追封

漢元始元年追謚孔子曰褒成宣足公東漢永元四年改封孔

英山縣志

卷之四

學校志

四

子爲宣尊侯隋開皇中贈孔子爲先師尼父唐成德二年以周
公爲先聖以孔子爲先師配享貞觀二年以孔子爲先聖顏淵
爲先師別祀周公十一年詔尊孔子爲宣父開元二十七年追
謚孔子爲文宣王宋大中祥符元年加謚孔子爲元聖文宣王
元大德元年加孔子號曰大成至大二年號大成至聖文宣王
明嘉靖九年釐正舊號曰至聖先師孔子神位復聖顏子宗聖
曾子述聖子思子亞聖孟子之位從祀十哲以下及門弟子皆
稱先賢某子之位左丘明以下二十九人皆稱先儒某子之位
盡罷公侯伯封爵改稱大成殿爲先師廟大成門曰文廟特立
祠祀叔梁紇稱啟聖公孔氏以顏無繇曾點孔鯉孟孫激配稱

先賢程珦朱松蔡元定從祀稱先儒并遵洪武十五年國子監
規制孔子以下易塑像爲木主擬定大小尺寸著爲定式清順
治二年定謚號稱爲大成至聖文宣先師十四年改謚號爲至
聖先師孔子雍正元年追封孔子五代王爵五世祖木金公爲
肇聖王高祖祈父公爲裕聖王曾祖防叔公爲詒聖王祖伯夏
公爲昌聖王父叔梁公爲啟聖王改啟聖祠爲崇聖祠三年奉
諭旨聖諱理應迴避毛詩及古文此字讀作期音者甚多嗣後
除四書五經外凡遇此字並加卩爲邱地名並加卩旁爲邱讀
作期音康熙三十三年御書萬世師表匾額並至聖先師孔子
贊並序 蓋自三才建而天地不居其功一中傳而聖人代宣
其蘊有行道之聖得位以綏猷有明道之聖立言以垂憲此正
學所以常明而人心所以不泯也粵稽往緒仰邈前徽堯舜禹
湯文武達而在上兼君相之寄行道之聖人也孔子不得位窮
而在下秉刪述之權明道之聖人也行道者勳業炳於一朝明
道者教思周於百世堯舜文武之後不有孔子則學術紛淆仁
義湮塞斯道之失傳也久矣後之人而欲探二帝三王之心法
以爲治國平天下之準其奚所取衷焉然則孔子之爲萬古一
人也審矣朕巡省東國謁祀闕里景企滋深敬摛筆而爲之贊
曰清濁有氣剛柔有質聖人參之人極以立行著習察舍道莫
由惟皇建極惟后綏猷作君作師垂統萬古曰惟堯舜禹湯文

武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖遡源洙泗景躅唐虞載歷庭除式觀禮器擖毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱墻高萬仞夫子之堂孰窺其藩孰窺其徑道不遠人克念作聖顏子贊曰聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍

英山縣志

卷之四

學校志

六

藏王佐之器曾子贊曰洙泗之傳魯以得之一貫曰唯聖學在茲明德新民止善爲期格物誠正均平以推至德要道百行所基纂承統緒修明訓辭子思贊曰於穆天命道之大原靜養動察庸德庸言以育萬物以贊乾坤九經三重大法是存篤恭愼獨成德之門卷之藏密擴之無垠孟子贊曰哲人既萎楊墨昌熾子輿闢之曰仁曰義性善獨闡知言養氣道稱堯舜學屏功七篇並垂六藝孔學攸傳禹功作配清雍正三年奉頒御書生利煌煌民未有匾額乾隆三年奉頒御書與天地參匾額嘉慶二年御書聖集大成匾額道光二年御書聖協時中匾額咸豐二年御書德齊疇載匾額同治二年御書聖神天縱匾額民國

三年大總統令崇祀孔子乃因襲歷代之舊制以夏時春秋兩丁爲祀孔子之日仍從大祀其禮節服制祭品與祭天一律京師文廟由大總統主祭各地方文廟由該長官主祭祭禮應用跪拜民國四年令天下孔廟各設奉祀官一員六年四月英山孔教分會成立正副會長三人會址附縣財政局內

大成殿

正位

至聖先師孔子神位

東配二位

復聖顏子之位配一

英山縣志

卷之

四

學校志

七

述聖孔子之位

配三
子大清通禮大典清會典皆題子思
子大應從祀孔大典清禮改題孔子

西配二位

宗聖曾子之位配二

亞聖孟子之位配四

東序六位

先賢閔子之位哲一

先賢冉子之位哲三

先賢端木子之位哲五

先賢仲子之位哲七

先賢卜子之位哲九

先賢有子之位 哲十一

西序六位

先賢冉子之位 哲二

先賢宰子之位 哲四

先賢冉子之位 哲六

先賢言子之位 哲八

先賢顓孫子之位 哲十

先賢朱子之位 哲十二

東廡先賢四十位

先賢公孫僑之位 一
禮加入 禮無公孫僑位應從會典及祀孔典

英山縣志  卷之四 學校志 八

先賢林放之位 三
東移 禮林放在西應從會典及祀孔典禮

先賢原憲之位 五

先賢南宮适之位 七

先賢商瞿之位 九

先賢漆雕開之位 十一

先賢司馬耕之位 十三

先賢梁鱣之位 十五

先賢冉孺之位 十七

先賢伯虔之位 十九

先賢冉季之位 二十一

先賢漆雕徒父之位 二十三

先賢漆雕哆之位 二十五

先賢公西赤之位 二十七

先賢任不齊之位 二十九

先賢公良儒之位 三十一

先賢公肩定之位 三十三

先賢鄒單之位 三十五

先賢罕父黑之位 三十七

先賢榮旂之位 三十九

先賢左人郢之位 四十一

英山縣志

卷之四

學校志

先賢鄭國之位 四十三

先賢原亢之位 四十五

先賢廉潔之位 四十七

先賢叔仲會之位 四十九

先賢公西輿如之位 五十一

先賢封巽之位 五十三

先賢陳亢之位 五十五

先賢琴張之位 五十七

先賢步叔乘之位 五十九

先賢秦非之位 六十一

先賢顏噲之位 六十三

先賢顏何之位 六十五

先賢縣亶之位 六十七

先賢牧皮之位 六十九

通禮東牧皮位在西應從會典及祀孔

先賢樂正克之位 七十一

先賢萬章之位 七十三

先賢周敦頤之位 七十五

先賢程顥之位 七十七

先賢邵雍之位 七十九

西廡先賢三十九位

英山縣志

卷之

四

學校志

十

先賢蘧瑗之位 二

西通移

禮蘧瑗位在東應從會典及祀孔典禮

先賢澹臺滅明之位 四

祀孔典禮澹臺滅明位在東應從會典及

先賢宓不齊之位 六

先賢公冶長之位 八

先賢公皙哀之位 十

先賢高柴之位 十二

先賢樊須之位 十四

先賢商澤之位 十六

先賢巫馬施之位 十八

先賢顏辛之位 二十

先賢曹卹之位 二十二

先賢公孫龍之位 二十四

先賢秦商之位 二十六

先賢顏高之位 二十八

先賢壤駟赤之位 三十

先賢石作蜀之位 三十二

先賢公夏首之位 三十四

先賢后處之位 三十六

先賢奚容蒧之位 三十八

先賢顏祖之位 四十二

英山縣志

卷之四

學校志

十一

先賢句非疆之位 四十二

井疆八年廣德縣奉祀官呈請更作句

先賢秦祖之位 四十四

先賢縣成之位 四十六

先賢公祖句茲之位 四十八

先賢燕伋之位 五十

先賢樂欬之位 五十二

先賢林黑之位 五十四 廣東巡按使咨內務部更作狄黑

先賢孔忠之位 五十六

先賢公西蒧之位 五十八

先賢顏之僕之位 六十

先賢施之常之位 六十二

先賢申枏之位 六十四

先賢左丘明之位 六十六

先賢秦冉之位 六十八

先賢公明儀之位 七十 通禮無公明儀位應從會典及祀孔

先賢公都子之位 七十二

先賢公孫丑之位 七十四

先賢張載之位 七十六

先賢程頤之位 七十八 其下留八十為先賢虛位

東廡先儒三十八位

英山縣志 卷之四 學校志 十二

先儒公羊高之位 八十一

先儒伏勝之位 八十三

先儒毛亨之位 八十五 通禮無毛亨位應從會典及祀孔典禮加入

先儒孔安國之位 八十七 通禮在西應從會典董仲舒位而禮孔安國

先儒毛萇之位 八十九 通禮在西應從祀孔處為后校蒼位而毛

先儒杜子春之位 九十一 會典以此處為許慎位而杜子春位

先儒鄭玄之位 九十三 通禮會典皆在題鄭康成今改鄭玄又

先儒諸葛亮之位 九十五 會典以此處為范甯祀孔而諸葛亮之

先儒王通之位 九十七 會典以此處為陸贄位而王通位在

先儒韓愈之位 九十九 通禮在西今皆以此處為范仲淹位而韓

先儒胡瑗之位 一百一 通禮會典皆以今校處正歐陽修之位

先儒韓琦之位 一百三 會典韓琦位在西通禮無韓琦位

先儒楊時之位 一百五 會典楊時位在西

先儒謝良佐之位 一百七 通禮無謝良佐位

先儒尹焞之位 一百九 會典通禮皆以尹焞位在西

先儒胡安國之位 一百十 會典通禮皆以胡安國位在西

先儒李侗之位 一百十三 會典李侗位在西

先儒呂祖謙之位 一百十五 會典呂祖謙位在西

先儒袁燮之位 一百十七 會典袁燮位在西通禮無袁燮位

先儒黃幹之位 一百十九 會典黃幹位在西通禮無黃幹位

英山縣志 卷之四 學校志 十三

先儒輔廣之位 一百二十一 會典應從祀孔位在西校而正禮無輔

先儒何基之位 一百二十三 通禮何基位在西

先儒文天祥之位 一百二十五 通禮無文天祥位應從會典及祀孔典禮加入

先儒王柏之位 一百二十七 會典王柏位在西

先儒劉因之位 一百二十九 會典以此處為金履祥位而三年禮會典皆無劉因位應從宣統

三月旨及祀孔典禮加入

先儒陳澹之位 一百三十一 通禮陳澹位在西

先儒方孝孺之位 一百三十三 京師又通禮無方孝孺位應從歸會典及祀孔典禮加入

先儒薛瑄之位 一百三十五 通禮薛瑄位在西

先儒胡居仁之位 一百三十九

先儒羅欽順之位 一百三十九

先儒呂枏之位 一百四十一 京師又通禮無呂枏位應先從會典及

禮祀孔入典

先儒劉宗周之位 一百四十三 通禮劉宗周位在西

先儒孫奇逢之位 一百四十五 通禮無孫奇逢位應從會典及祀孔

先儒黃宗羲之位 一百四十七 通禮會典皆無黃宗羲位應從光緒三十四年九月旨及祀孔

加典入禮

先儒張履祥之位 一百四十九 通禮無張履祥位應從會典及祀孔

先儒陸隴其之位 一百五十一 通禮陸隴其位在西

英山縣志 卷之四 學校志 十四

先儒張伯行之位 一百五十三 通禮無張伯行位應從會典及祀孔

先儒湯斌之位 五十五 會典湯斌位在西

西廡先儒三十七位

先儒穀梁赤之位 八十二

先儒高堂生之位 八十四

先儒董仲舒之位 八十六 通禮董仲舒位在東

先儒劉德之位 八十八 通典無劉德位應從會典及祀孔

先儒后蒼之位 九十 通禮會典皆以后蒼位在東

先儒許慎之位 九十二 會典以此處為杜子春位而祀孔位

禮校

先儒趙岐之位 九十四 通禮會典皆無趙岐位應從宣統三年旨及祀孔典禮加入

先儒范甯之位 九十六 會典范甯位在東

先儒陸贄之位 九十八 會典陸贄位在東通禮無陸贄位

先儒范仲淹之位 一百 通禮會典皆以范仲淹位在東

先儒歐陽修之位 一百二 通禮會典皆以歐陽修位在東

先儒司馬光之位 一百四 會典司馬光位在東

先儒游酢之位 一百六 通禮加入無游酢位應從會典及祀孔典禮

先儒呂大臨之位 一百八 會典以此處為尹焞位而呂大臨從禮則無呂大臨位

祀孔正典

先儒羅從彥之位 一百十 通禮會典皆以羅從彥位在東

英山縣志 卷之四 學校志 十五

先儒李綱之位 一百十二 會典以李綱位在東通禮無李綱位

先儒張栻之位 一百十四 會典以張栻位在東

先儒陸九淵之位 一百十六 會典以此處為袁燮位而陸九淵位在東應從通禮及祀孔典禮

移

先儒陳淳之位 一百十八 通禮會典皆以陳淳位在東

先儒真德秀之位 一百二十 會典以真德秀位在東

先儒蔡沈之位 一百二十二 通禮以蔡沈位在東

先儒魏了翁之位 一百二十四 通禮以魏了翁位在東

先儒趙復之位 一百二十六 通禮會典皆以趙復位任東

先儒金履祥之位 一百二十八 會典以金履祥位在東

先儒陸秀夫之位 一百三十
孔通禮無陸秀夫位應從會典及祀

先儒許衡之位 一百三十二

先儒吳澄之位 一百三十四
通禮吳澄位在東

先儒許謙之位 一百三十六
通禮許謙位在東

先儒曹端之位 一百三十八
通禮無曹端位應從會典及祀孔

先儒陳獻章之位 一百四十

先儒蔡清之位 一百四二

先儒王守仁之位 一百四十四
通禮王守仁位在東

先儒呂坤之位 一百四十六

先儒黃道周之位 一百四十八
通禮黃道周位在東

英山縣志 卷之四 學校志 十六

先儒王夫之之位 一百五十
通禮三會典皆九月夫之位從典光

入禮加

先儒陸世儀之位 一百五十二
通禮無陸世儀位應從會典及

先儒顧炎武之位 一百五十四
通禮會典皆九月顧炎武位應從

入禮加

以上前殿

崇聖祠殿內正位

肇聖王木金父公之位 中

裕聖王祈父公之位 左

詒聖王防叔公之位 石

昌聖王伯夏公之位 次左

啟聖王叔梁公之位 次右

東配三位

先賢孔氏之位 配一 又京通祀無孔孟皮位應改題孔氏及祀孔一典

入禮加

先賢曾氏之位 配三位 通禮在西應從祀以此典禮為東移繇位而曾點

先賢孟孫氏之位 配五位 通禮在西應從祀此處為孔鯉位而孟孫

西配二位

先賢顏氏之位 配二位 通禮會典皆以顏無繇位在東

先賢孔氏之位 配四位 通禮會典皆以孔鯉位在東

英山縣志 卷之四 學校志 十七

東廡三位

先儒周氏之位 一

先儒程氏之位 三

先儒蔡氏之位 五

西廡二位

先儒張氏之位 二

先儒朱氏之位 四

以上後殿

右孔子廟位次悉遵民國三年內務部頒發孔子廟位次編校

錄參攷詳覈如劉德趙岐輔廣呂大臨劉因陸世儀張履祥張

伯行顧炎武王夫之諸儒皆老志所無茲悉增入應遵式改正如大成殿東配述聖子思子神位應遵改述聖孔子之位西廡先賢后作蜀神位應遵改先賢石作蜀之位先賢句井疆神位應遵改先賢句非疆之位先賢狄黑神位應遵改先賢林黑之位先賢秦再神位應遵改先賢秦冉之位東廡先儒鄭康成神位應遵改先儒鄭玄之位西廡先儒陳淳神位應遵改先儒陳淳之位至

崇聖祠東配先賢孔氏孟皮神位應遵改先賢孔氏之位俱已改正

典禮

英山縣志

卷之四 學校志

十八

先師殿

唐開元二十年始正位南面明嘉靖九年改封號撤塑像題以木主高二尺三寸七分濶四寸厚七分座高四寸長七寸厚三寸四分朱地金書四配主高一尺五寸濶三寸二分赤地墨書崇聖主同十哲兩廡高一尺四寸濶二寸六分厚五分座高二寸六分長四寸厚二寸赤地墨書前清因之每春秋二仲月上丁日致祭先期致齋三日前一日詣所省牲及期黎明知縣朝服率僚屬師生行三獻禮雍正三年詔郡縣丁祭牲用太牢乾隆三年奉部文頒定祭品祝文俱詳後

先師正位祭品 制帛一 爵三 牛一 羊一 豕一 登

一 鉶二 簋二 簋二 籩十 豆十 酒罇一
四配祭品 每位制帛一 爵三 羊一 豕一 鉶一 簋
二 簋二 籩八 豆八
十二哲祭品 東位制帛一 爵各一 豕一 鉶各一 簋
各一 簋各一 籩各四 豆各四西同
兩廡祭品 東廡制帛一 爵各一 豕三 每案簋一 籩
一 籩四 豆四西同
執事諸生 一百一十六人
通贊二 引贊十 祝一 拂拭七 陳設十有二 監宰二
瘞毛血七 奉帛九 執爵九 接帛九 接爵九 司盥三
英山縣志

卷之四

四

學校志

十九

司尊三 司樂一 司班次二 司文榜一 司香燭六 司
庫一 司廚一 飲福受昨四 司播三 集禧一 司滌祭
器二 撤饌十有一
樂舞

樂六奏舞六佾樂生五十三人舞生三十八人

麾旛一 敔一 琴六 瑟二 鐘一 磬一 塤二 箎二
鼗二 箛二 管六 簫六 笛六 笙六 搏拊二 應鼓
一 工歌六 執節二 佾三十有六

迎神樂奏咸和之曲無舞

大哉孔聖道德尊崇維持王化斯民是宗典祀有常精純並隆

神其來格於昭聖容

奠帛樂奏寧和之曲舞

自生民來誰底其盛維師神明度越前聖粢帛具成禮容斯稱
黍稷非馨惟神之聽

初獻樂奏安和之曲舞

大哉聖師實天生德作樂以崇時祀無斲清酤惟馨嘉牲孔碩
薦羞神明庶幾昭格

亞獻終獻樂奏景和之曲

百王宗師生民物軌瞻之洋洋神其寧止酌彼金罍惟清且旨
登獻於三於嘻成禮

英山縣志

卷之四

四

學校志

二十

徹饌樂奏咸和之曲無舞

犧象在前豆籩在列以享以薦既芬既潔禮成樂備人和神悅
祭則受福率遵無越

送神望瘞樂奏咸和之曲無舞

有嚴學宮四方來宗恪恭祀事威儀雍雍歆格惟馨神馭還復
明禋斯畢咸膺百福

祝文

維某年歲次某仲某月某朔祭日某官致祭於

至聖先師孔子曰惟

先師德隆千聖道冠百王揭日月以常行自生民所未有屬文

教昌明之會正禮和樂節之時辟雍鐘鼓咸恪於馨香泮水膠庠益致嚴於籩豆茲當春秋仲祗率彝章肅展微忱聿修祀典以

復聖顏子

宗聖曾子

述聖子思子

亞聖孟子配尙饗

崇聖祠丁祭日五鼓知縣朝服率僚屬先祭崇聖祠正殿行三獻禮三跪九叩頭祭品祝文詳後

祭品

英山縣志

卷之

四

學校志

二一

正位每位制帛一 爵三 羊一 豕一 鉶一 簋二 簋

二 籩八 豆八 酒罇一

配位每位制帛二 豕首二 每位爵三 簋一 簋一 籩

四 豆四 豕肉一

從祀每位制帛二 每位爵一 每案簋一 簋一 籩四

豆四 豕首一

祝文具官某等敢昭告於

肇聖王木金父公

裕聖王祁父公

詒聖王防叔公

昌聖王伯夏公

啟聖王叔梁公曰恭惟

五王造家濬哲毓瑞文明五世其昌大儒宗於洙泗千秋不朽
隆祀事於彝章茲者仲春秋謹以牲帛醴齊粢盛庶品式陳明
薦以

先賢孔氏孟皮

先賢顏氏

先賢曾氏

先賢孔氏

先賢孟氏配 尙饗

英山縣志

卷之四 學校志

二二

文昌宮每歲春秋頒期致祭牲用太牢及期黎明知縣朝服率
僚屬行三獻禮三跪九叩首是日五鼓典史朝服先祭後殿行
三獻禮二跪六叩首

正殿祝文

具官某等致祭於文昌帝君之神曰惟神蹟著西垣樞環北極
六匡麗曜協昌運之光華累代垂靈爲人文之主宰扶正久彰
夫感召薦馨宜致其尊崇茲屆仲秋春用昭時祀尙其歆格鑒此
精虔謹告尙饗

後殿祝文

具官某等致祭於文昌帝君先代之神曰惟神祭引先河之義

禮從反本之思矧夫世德彌光延賞斯及祥鍾累代炯列宿之精靈化被千秋緯人文之主宰是尊後殿用答前庥茲值仲春秋肅將時祀用申告潔 神其格歆尙饗

魁星樓每歲春秋致祭祝文云惟神紫漢流輝翊我文明茲當仲春秋用伸虔誠羣英得意仰惟神功尙饗

社稷壇歲以春秋仲月上戊日致祭知縣朝服率僚屬行三獻禮三跪九叩首

祝文具官某等敢昭告於縣社稷之神曰惟神品物資生蒸民乃粒養育之功司土是賴維茲仲春秋謹以牲帛醴齊粢盛庶品用伸常祭尙饗

英山縣志

卷之四

四

學校志

二三

風雲雷雨山川壇歲以春秋仲月上戊日致祭如社稷壇

祝文具官某等敢昭告於境內山川風雲雷雨本境城隍之神曰惟神妙用神機生育萬物奠我民居足我民食惟茲仲春秋禮宜報祀謹以牲帛醴齊粢盛庶品用伸常祭尙饗

先農壇祭期每歲頒行定以巳時致祭午時耕籍至期知縣朝服率僚屬行三獻禮三跪九叩首禮畢更蟒袍耕籍行九推禮畢望闕謝恩

祝文具官某等致祭於先農之神曰惟神肇興農事永足民天茲當東作之時式舉籍田之禮所祈佑茲嘉種錫我豐年謹以牲帛醴齊用伸虔祭尙饗

厲壇每歲清明日七月望十月朔三次致祭先期牒告城隍廟至期迎神位於壇以爲主知縣官補服行四拜禮旁列無祀鬼神分男東女西享祭

先期牒城隍告文維某年某月某日某州某縣某官臣某等遵奉皇上欽頒旨意普天之下后土之上無不有人亦無不有鬼神故勅天下有司依時享祭命本處城隍以主此祭鎮壓壇場鑒察諸鬼等類其中果有生爲良善誤遭刑禍死於無辜者神必達於所司使之還生人世以享太平之福如有素爲凶惡雖獲善終亦出僥倖者神當達於所司屏之物類善惡之報神必無私欽奉如此今某等不敢有違謹於某年月日於城北設壇

英山縣志

卷之四

四

學校志

二四

置備牲醴羹飯致祭於本縣無祀鬼神等然幽冥異境人力難爲必藉神功庶得感動今特移文於神先期分遣諸神召集本縣闔境鬼神等衆至期悉赴壇所普享一祭鬼神當欽承勅命鎮壓壇場無私昭報爲此云云

祝文具官某等致祭於本縣城隍之神曰切惟神依人而饗血食人敬神而知禮節欽奉聖旨憐念普天之下后土之上無不有人無不有鬼人鬼之道幽明雖殊其理則一故天子祭天地神祇及天下山川省城各府州縣祭境內山川及祀典神祇庶民祭其祖先及里社土穀之神上下之禮各有等第此祀神之道如此尙念冥冥之中無祀鬼神昔爲生民未知何故而歿其

間有遭兵刃而橫傷者有死於水火盜賊者有彼人取財而逼死者有彼人強奪妻妾而死者有遭刑禍而負屈死者有天災流行而疫死者有爲猛獸毒蟲所傷害者有爲飢餓而凍死者有因戰鬪而隕身者有因危急而自縊者有因墻屋傾頽而壓死者有死後無子孫者此等鬼魂或終於前代或歿於近世或兵戈擾攘流移於他鄉或人煙斷絕久缺其祭祀姓名泯於一時祀典無聞而不載此等孤魂死無所依精魄未散結爲陰靈或依草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沉淪意懸懸而望祭興言及此憐其慘悽欽遵如此不敢有違謹設壇於某處

英山縣志

卷之四

學校志

二五

仍迎尊神以主此祭維茲中元禁煙孟冬節屆置備牲醴羹飯專祭本縣闔境無祀鬼神等眾靈其不昧來歆此祭尙饗

關帝廟清雍正三年加封三代公爵八年詔關帝並三代公爵照文廟崇聖祠例春秋二仲及五月十三日一體致祭至期知縣朝服率僚屬先祭後殿二跪六叩首前殿三跪九叩首俱行三獻禮

祝文具官某等敢昭告於關聖帝君之神曰惟神忠昭日月義凜乾坤扶植人倫溯英風於廟貌表揚正氣隆盛禮於明禋維茲仲春仲秋誕辰謹以牲帛醴齊用伸時虔祭謹告後殿祝文具官某等謹以犧牲弊帛之儀敢昭告於

勅封光昭公

勅封裕昌公

勅封成忠公之神曰惟神世篤忠貞誕生神武綱維宇宙昭弈葉之貽謀俎豆春秋荷聖朝之曠典溯鍾祥於所自用備物以薦馨尙饗

民國三年以關岳合祀闕帝廟改爲關岳廟皆以春秋分節氣後第一戊日地方官率僚屬致祭行三獻禮每獻跪再拜祝辭曰惟某年月日某地方某官某致祭於

關壯繆侯

岳忠武王曰惟神武功彪炳偉烈昭垂建大節於千秋振英風

英山縣志

卷之四 學校志

二六

於六合忠誠正直麗河嶽而長留知仁勇功與日星而並耀潔馨香而合祀德量同符肅俎豆以明禋心源如接惟祈歆享克鑒精誠尙饗

迎神樂奏建和之章辭曰懿鑠兮神功震華夏兮英風義勇兮河東惟湯陰兮與同修祀典兮方州佇降歆兮闕宮奠帛初獻樂奏安和之章辭曰神來兮格思風馬下兮靈旂量幣兮初陳薦芳馨兮玉卮瞻仰兮明威儼如在兮軒墀（舞千戚之舞）亞獻樂奏靖和之章辭曰萬舞兮洋洋禮再舉兮陳觴靈昭昭兮既留庶鑒誠兮降康（舞同初獻）終獻樂奏康和之章辭曰名世兮鍾靈炳河嶽兮日星祀事兮三成肅駿奔兮廟庭（

舞同亞獻）徹饌樂奏蹈和之章辭曰告徹兮禮成神其受兮
苾芬明德兮維馨播聲威兮八紘送神樂奏揚和之章辭曰雲
駕兮高翔神將歸兮九閩受福兮蒸民導我武兮惟揚
關岳廟合祀從祀歷代忠武將士

張飛王濬韓擒虎李靖蘇定方郭子儀曹彬韓世忠旭烈兀徐
達馮勝戚繼光趙雲謝玄賀若弼尉遲敬德李光弼王彥章狄
青劉錡郭侃常遇春藍玉周遇吉共二十四人分東西位次
火神廟每歲六月二十三日誕辰致祭知縣官補服行一獻禮
二跪六叩首

祝文具官某等致祭於司火之神曰惟神位正南離權司長夏

英山縣志

卷之四

學校志

二七

六府修而功成既濟四序紀而用在明時佐烹飪以攸資人安
耕鑿斂烟光而無警戶樂恬熙荷神貺以清寧潔明禋於牲醴
尚饗

八蜡廟歲以臘月上戊日致祭知縣官補服行一獻禮二跪六
叩首乾隆十一年奉文停祭廟亦圯今其地改建南壇

祝文具官某等敢昭告於八蜡之神曰嘉種百穀天施地生耕
耘收穫惟神之靈無災無害又用乃成報功崇本享祀苾芬四
方九土來格來歆尚饗

劉猛將軍廟祀宋劉公綺因驅蝗宋理宗封爲揚威儼天曹猛
將之神載怡菴雜錄清雍正二年飭祀每歲長至後第三戊日

並正月十三日致祭知縣官補服行一獻禮一跪三叩首
祝文具官某等致祭於劉猛將軍之神曰惟神夙昭勇略懋著
靈威功殄螟蝗惠周原隰肅明禋而備物兆嘉貺於豐年維茲
誕辰季冬謹以牲帛醴齊用伸虔祭尙饗

城隍廟神祀未詳所始明洪武二年勅封縣城隍爲鑒察司民
顯佑伯三年定禮制去封號止稱某縣城隍之神歲無特祀春
秋二仲合祭於山川壇厲祭則迎神主之新官到任必與神誓
水旱災青先牒告而後立壇祈禱焉
旗纛神每歲霜降日與衙門同致祭

名宦祠乾隆三年所頒儀注祝文各祠未經開入今仍其舊歲
英山縣志

卷之四

學校志

二八

以春秋仲月上丁日繼文廟致祭主位五其各憲通祀一省者
八茲不具載

明知縣高公諱在崙

明知縣李公諱瑄

明知縣胡公諱咸賓

清知縣史公諱良植

明主簿李公諱杰

祝文（亦係仍舊下同）惟公善教淑士善政惠民功在當時
澤流後人感念不置俎豆常新今茲仲春秋謹以牲帛醴齊用
伸耑薦尙饗

鄉賢祠祭日同名宦主位三

宋知縣段公諱朝立

明參政張公諱子貞

明戶部主事劉公諱會

按州志及舊稿祠祀俱止列張劉二公且各志朝立俱傳列名宦不應復祀鄉賢餘見本傳

祝文惟公博學宏才德隆望重樹績於國著名於時隱顯不同咸歸於道今茲仲春秋謹以牲帛醴齊用伸耑薦尙饗

忠義孝弟祠歲以春秋仲月上戌日繼社稷壇致祭主位二

明庠生傅諱得年

英山縣志

卷之四

四

學校志

二九

明庠生馬諱應乾

祝文惟公學優質美竭力致身大節不一均爲偉人存既可仰歿則宜禋今茲仲春秋謹以牲帛醴齊用伸耑薦尙饗

節孝祠祭日與忠義孝弟祠同主位二

清節孝胡吳氏

沈鄭氏

祝文惟靈簪纓淑女巾幗賢媛矢志靡他白首全松筠之操視死如脫碧血奪日月之光苦節堪嘉貞風宜錄今茲仲春秋謹以牲帛醴齊用伸耑薦尙饗

慶賀順治年定元旦冬至萬壽節在外直省文武官設香案具

朝服望闕行三跪九叩首禮康熙二十三年定元旦令節七日上元節三日皇太后萬壽七日皇上萬壽七日皇后千秋一日俱穿朝服不理刑名雍正八年例朝賀之期州縣用教官一員糾儀齋戒各壇廟祭享齊戒日期不理刑名忌辰素服一日不理刑名不報祭還願晏會作樂每月初一初二日不理刑名正月初九二月十五日不宰牲四月初八日不宰牲不理刑名開讀詔到文武各官至城外路旁跪迎來使將詔捧入龍亭內各官排列進城至縣署供設行三跪九叩頭禮禮生上臺開讀跪聽宣讀畢行謝恩禮

宣講聖諭十六條康熙二十四年通行鄉約月吉申講如古讀

英山縣志

卷之四

學校志

三十

法之禮察其勤怠以課殿最雍正二年御製萬言廣訓頒行天下每月朔望各官齊集公所

恭迎聖諭行三跪九叩頭禮擇鄉約登臺宣講乾隆元年通行地方官於每月朔望宣講後將現行律例挈要提綱勤加講解使民知法

迎春每歲先期造春牛及勾芒神其衣笠麻紉及牛之頭腹諸色視歲建干支所屬立春前一日知縣朝服率僚屬農民具采亭儀導建青旛迎春於東郊祭勾芒神行四拜禮祝曰職司春令德應蒼龍誕敷化育品彙萌生忝牧是邑具禮以迎育我黎庶仰戴神功尙饗迎還至儀門外土牛南向芒神西向次日立

春時各官拜芒神環牛三匝鞭牛分於農
護日月食至期知縣朝服同僚屬候陰陽生報食初虧於大堂
行三跪九叩首禮正印官擊鼓三通救護僧道隨行救護再報
食盡三報復圓皆行禮如初

上任新官先一日謁城隍廟齊戒廟宿次晨至縣署拜儀門行
四拜禮易公服至大堂望闕謝恩行三跪九叩頭禮拜印行四
拜禮始升堂任事行香每月朔望詣文廟行香禮畢升明倫堂
掣籤講書次謁關帝廟城隍廟回署升公坐受參謁

賓興每秋試年縣學官先期就學宮起送諸生筮吉行賓興禮
諸生就縣廳事抗禮畢以次列坐行酒張樂肅賓筵知縣及佐
貳官正坐陪飲畢以次給送花紅盤纏銀有差辭出赴學宮謁
廟行香鼓吹前導諸生升類池仙橋出學

鄉飲酒每歲正月十五日十月初一日於儒學行鄉飲酒禮前
一日執事者於儒學之講堂依圖陳設坐次司正率執事習禮
至日黎明執事者宰牲具饌主席及僚屬司正先詣學遣人速
賓僎以下比至執事者先報曰賓至主席率僚屬出迎於庠門
之外以入主居東賓居西三揖三讓而後升堂東西相向立贊
兩拜賓坐執事又報曰僎至主席又率僚屬出迎揖讓升堂拜
坐如前儀賓僎介至既就位執事者唱司正揚觶執事者引司
正由西階升詣堂中北向立執事者唱賓僎以下皆立唱揖司

正揖賓僕以下皆揖執事者以觶酌酒授司正司正舉酒陳說孝弟忠信敦宗睦隣之道執事者唱司正飲酒畢以觶授執事執事者唱揖司正揖賓僕以下皆揖司正復位賓僕以下皆坐唱讀律令執事者舉律令案於堂之中引禮引讀律令者詣案前北向立唱賓僕以下皆立行揖禮如前讀畢復位執事者唱供饌案執事者舉饌案至賓前次僕次介次主三賓以下各以次舉訖執事者唱獻賓主起席北面立執事者斟酒以授主主受爵詣賓前置於席稍退贊兩拜賓答拜訖執事者又斟酒以授主主受爵詣僕前置於席交拜如前儀畢主退復位執事者唱賓酬酒賓起僕從執事者斟酒授賓賓受爵詣主前置於席

稍退贊兩拜賓僕主交拜訖各就位坐執事者分左右立介三賓眾賓以下以次斟酒於席訖執事者唱飲酒或三行或五行供湯又唱斟酒飲酒供饌三品畢執事者唱徹饌候徹饌案訖唱賓僕以下皆行禮僕主僚屬居東賓介三賓眾賓居西贊兩拜訖唱送賓以次下堂分東西行仍三揖出庠而退坐席高年有德者居上高年純篤者並之以次序齒主有司位東南大賓致仕官位西北僕賓鄉里年高有德位東北介賓以次長位西南三賓以賓之次者爲之位賓主介僕之後除賓僕外眾賓序齒列坐其僚屬則序齒司正以教職爲之主揚觶以罰贊禮老成生員爲之

祀天通禮據民國三年禮制館刊行本禮莫重於祭祭莫大於祀天應定爲通祭自大總統至國民皆可行之大總統代表國民致祭各地方行政長官代表地方人民致祭國民各聽家自爲祭以示一體祭期用冬至祭禮用跪拜祭品用牲牢

五禮莫先於吉禮吉禮莫重於祀天歷代相因未之或廢儀文末節畧有異同竊謂殷人尙質周人尙文雖繁簡殊宜而制禮之意則一惟是簡者易行繁或難備今茲政尙共和無囿不下庶人之說凡所制定利在通行且祀天之禮以質爲敬故禮器云至敬不壇掃地而祭郊特牲云祭天掃地而祭焉于其質而已矣蓋以天者至尊無上無物足以配天則唯從至儉至簡以

象天地之性是以牲不過繭栗太羹玄酒粢食不鑿其器犧尊疏布冪桴杓豆登鼎俎簠簋匏陶之類其藉蒲越藁秸其車素車其服大裘如此而已閱世久遠寢有違失夫因時制宜各從其便欲盡復上古之制固已扞格難通而踵事增華抑又非禮今內務部規定大總統祀天儀及各地方行政長官祀天儀國民祀天儀經政治會議各員逐項審查議決大抵斷自唐代下逮明清斟酌取舍唯從其簡悉有依據不敢憑臆妄作謹採地方行政長官祀天儀於后

地方行政長官祀天儀每歲冬至日各地方行政長官代表地方人民祀天於南郊獻官以巡按使主之有故則道尹代祭書

祝版眡割戒具陳設省盥以政務廳長糾儀以道尹道尹代祭
糾儀以縣知事執事以政務廳人員及地方員紳之嫻禮儀者
選充在城文武官委任以上咸與祭散齊二日致齊一日
右齊戒

前祀一日昧爽執事官擇南郊高潔之處掃地爲壇供張如前
儀張獻官與祭官執事人次及饌幔惟地之宜

右供張

是日午後執事官大禮服敬書祝版安奉於次遂省牲眡宰辦
籩豆簋簠之實展器於饌幔

右書祝版眡割戒具

英山縣志

卷之四

學校志

三四

祀日昧爽執事官入壇陳設牲帛器數如前儀惟不用玉司樂
設樂懸於壇下及干戚羽籥之舞惟地之宜陳設既畢政務廳
長升壇省眡盥盛如儀

右陳設省盥

獻官行禮時正立位在壇上拜位在壇下均北嚮與祭官拜位
在獻官拜位之南亦北嚮望燎位在壇下東南隅東嚮

執事人司帛爵司福胙各二人立壇上司祝一人立西案之西
糾儀一人立東案之南西嚮壇下通贊一人又南爲司樂一人
均立於東西嚮引贊一人立獻官拜位之西東嚮樂工序立於
東西樂懸之次歌工立於樂工之次樂舞生分行序列惟地之

宜燎人立於燎爐之東南隅

右辨位

是日昧爽獻官與祭官均集獻官具祭服盥畢署名於祝版司祝進奉於祝案通贊贊執事者就位執事皆就位引贊引獻官就拜位北嚮立贊就位與祭官皆就位北嚮序立通贊贊樂舞生就位執事者各司其事與祭官各就位

右就位

通贊贊燔柴廼燔柴司樂舉麾贊舉燔柴樂工鼓祝樂作通贊贊四拜獻官及與祭官皆四拜司饌奉毛血盤進奠於案司樂偃麾工戛敵樂止

英山縣志

卷之四

四

學校志

三五

右燔柴

通贊贊奠帛司樂贊舉奠帛樂引贊贊升壇引獻官升壇正立贊獻帛司帛爵進筐獻官受筐拱舉司帛爵奠於案正中贊復位引獻官復拜位立樂止

右奠帛

通贊贊奉俎司樂贊舉奉俎樂司饌進徹毛血盤以出有司盛羹於壺進至壇下司饌二人執之以升引贊贊升壇引獻官升壇正立贊奉俎司饌執壺以進獻官拱舉司饌以羹沃俎者三退出贊復位引獻官復拜位立樂止

右奉俎

通贊贊行初獻禮司帛爵揭尊冪勺挹酒實爵以俟司樂贊舉初獻樂樂作樂工舉節舞干戚之舞引贊贊升壇引獻官升壇正立贊獻爵司帛爵進爵獻官受爵拱舉司帛爵奠於塾中引贊贊詣讀祝位引獻官詣讀祝位正立樂暫止通贊贊讀祝司祝捧祝立於獻官右讀祝辭曰維某年月日大總統某令某省巡按使某代表地方人民敢昭告於上天曰蒼蒼者氣叩聲臭而無聞芸芸之生託鴻濛以資始雖天無私覆匪繫於方域之親而民有秉彝不忘乎本始之祭時惟冬至陽氣初生敬以弊帛犧齊盥盛庶品備茲裡燎祇薦潔誠嗚呼維玄有宰無間元元之心至誠感神咸懍昭昭之象尙饗讀畢獻官拱舉司祝

奉安祝版如儀退樂復作引贊贊復位引獻官復拜位立通贊贊四拜獻官及與祭官皆四拜樂止武功之舞退文舞執羽籥進

右初獻讀祝

通贊贊行亞獻禮司帛爵執爵以進司樂贊舉亞獻樂樂作舞羽籥之舞引贊贊升壇引獻官升壇奠爵於左禮如初獻贊復位引獻官復拜位立樂止

右亞獻

通贊贊行終獻禮司帛爵執爵以進司樂贊舉終獻樂樂作舞與亞獻同引贊引獻官升壇奠爵於右禮如亞獻贊復位引獻

官復位樂止文德之舞退

右終獻

既終獻通贊進至祝案前東嚮贊獻官代表地方人民受福胙司樂贊舉受福胙樂樂作引贊贊詣受福胙位引獻官至位正立贊引福酒司福胙二人左右立一人自右進福酒獻官受爵拱舉以授於左受胙如飲福之儀贊復位引獻官復位通贊贊四拜獻官及與祭官皆四拜樂止通贊贊徹饌司樂贊舉徹饌樂樂作司帛爵進徹籩豆各一如儀樂止

右受福胙徹饌

通贊贊望燎司樂贊舉望燎樂贊奉祝帛饌送燎有司各奉祝帛酒饌恭送燎所如儀引贊贊詣望燎位引獻官詣燎所望燎畢通贊贊禮成獻官及與祭各官皆退

右望燎

道尹縣知事祀天儀

凡道尹縣知事每歲冬至日各於其所駐地方代表人民祀天有故則各以其屬代在城文武委任以上亦咸與祭書祝版眡割戒具陳設省盥各以其屬官爲之糾儀則道尹以縣知事縣知事以掾屬執事人各於屬官或地方員紳內選充其齊戒日期牲帛器數行禮儀節均與省會同其與巡按使同城之道尹及與道尹同城之縣知事不另致祭

學額

歲科兩試向例每試文童入縣學十二名州學一名與霍山輪派歲試派英科試派霍歲試武童入學八名後咸豐四年克復英城案內永廣文武學額各一名又咸豐十一年湖北撫憲胡率兵駐英地方捐資助餉案內邑紳彭庸王祥愷胡銘金祖勳葉方義余時裕鄭衍祥王燦修徐林等稟請文武學額永廣四名合計每歲試文童入學十八名科試文童入學十七名歲試武童入學十三名奉文自同治五年科試始永爲定額

英山距州道遠山徑崎嶇童生赴考難於跋涉乾隆十一年知縣董良弼詳州請於學院按臨之時先期州試試畢卽應院試英山縣志

卷之四 學校志 三八

省其一次往返經州批准詳院存案永遠遵行十四年署知縣王甌卜據諸童稟詳州勒石試院以垂久遠

義學

凌雲書院舊在東門外徐家塆雍正七年知縣趙宗炅建後乾隆十六年知縣陳步青重修乾隆五十八年知縣嚴克任移建城內明倫堂之左前重門樓三楹左右廂房各二間右廳屋三楹廂房三間前重左側廂屋二重計大小六間咸豐三年後歷遭兵燹所存無幾同治二年知縣黃光彬督紳照舊修理後堂左側添造橫屋三間顏曰三新樓卽將書院借作衙署後遂率以爲常至院右側各房與德造鄉學俱改建考棚科舉停後爲

署內辨公人等及衛隊各住舍光緒三十四年院之後重被阮匪焚燬經知縣廖昌彝重建其右側餘基光緒二十八年知縣郭集馨改建縣高等小學校德造鄉學舊在文昌閣西乾隆六十年知縣嚴克任移建凌雲書院右側前爲堂三楹堂左門樓一座後堂一間左右房各二間兵燹後燬廢大半惟前堂已經修復

試院

興賢館考棚在城隍廟後乾隆三十七年知縣徐曰紀倡建程行疔行廢馬道沽聞興坊興炳傅以煉鄭一夔捐基前爲大門三間大門內龍門一座東西考棚各四楹中轉篷三楹轉篷內

英山縣志

卷之四

學校志

三九

堂三楹堂內官廳三間廳西書房三間又西廚房二楹外爲館人住屋八楹繚以垣墉後於堂東西各建廳屋三楹官廳東建堂三楹以祀徐公道光三年教諭王燮坊倡建觀化亭二十一年盡被水圯暫改書院爲考棚院試考六安州同治三年州內修理考棚州憲札派英山紋銀二千兩經知縣何家總具文解送本考棚遺址今悉由財政局租與民間造屋種園租金亦歸財政局收

縣立高等小學校正屋四重右側操場一所清光緒二十八年知縣郭集馨督紳就凌雲書院右側餘基及西頭訓導署明倫堂基址創立其經費係前縣陸士奎籌凌雲書院膏火田捌百

餘担郭集馨籌提三里菴產田稞壹千担零俱撥入該校以作學欸

附六安州考棚並防雨公舍係六英霍三縣公建科舉停後改爲中學堂定案英山送學生七名霍山送學生八名

學田地附

一蓮花山下田順治十七年按院衛公貞元置

一李樹坳田順治十八年按院何公可化置

以上二處共收租稻五十担租斛六斗爲一担

憲文實折倉斛四十担倉斛八斗爲一石雍正十一年奉撫以七担六斗完賦一十一担二斗資給貧生餘二十一担二斗變

英山縣志

卷之四

學校志

四十

價解安慶府爲安慶書院之資係本縣收解

一滑家衝田三畝八分七厘一毫二絲租九担

一應龍灣田一畝三分四釐九毫三絲租三担

一葉家畝田三畝七分四毫七絲租十担

一腰磨畝田五畝二分一毫租十担

一乾塘坳地一分納黃豆二斗折稻三斗

一茅扎壠田六分八釐四毫租五担

一鐵匠灣田三畝三分六釐八毫租十担

一侯家山田三畝五分三釐六毫四絲租七担三斗

一善福橋田六分七釐三毫六絲租八担

一張塘均田七畝四分租十八担

一曹家山田五畝二分一釐一毫租五担

一賀家橋田三畝租六担三斗

一豪栗山田一十四畝七釐二毫八絲租四十担

一南衝田八畝一分租十二担

一春樹嶺田八分租二担

以上學田四十五處共六十一畝七釐二毫共收租稻黃豆所折三斗在外一百四十六担租斛六斗爲一担實折市肆市斛十斗爲一担八十七担六斗內完正賦銀六兩二錢二分九釐一毫四絲月米六斗二升解學租銀二十兩仍歸儒學收解

英山縣志

卷之四

學校志

四一

義田

一徐家塆義學前七畝一分

一王家壠義學西南八里一十七畝三分俱雍正年知縣趙宗

炅捐置

義田

一乾隆二十年知縣張海移撥柯見臣控懇無糧酌納花稞八十斤又乾隆二十四年知縣玉格撥南壇花稞二百二十觔共歸凌雲書院資掌教膏火又乾隆三十三年原任知縣主講凌雲書院陳步青捐置郝家山田庄二處共穀稞四十一担花稞三十斤永資書院肄業生童膏火

一邑原任山西大同府同知鄭元昆捐施家湖田一十九畝計田稞陸拾担爲合邑卷資後被水衝昆長子一坊以該田變值無幾換捐樊家沖田稞陸拾担花稞肆十七斤坊孫昌寶昌齡復捐樊家沖田稞四十担寶子光祺捐休舟畝田稞貳十担花稞二十伍斤光緒時宗榮宗揆又捐本超祖置文昌會田稞二十一担三斗花稞十斤以上共計田稞一百四十一担三斗花稞六十八斤

學堂

縣立高等小學校在邑城北隅縣署間壁光緒三十一年四月開辦以凌雲書院田租暨賓興田租撥給經費修業年限三年

英山縣志

卷之四 學校志

四二

學級分甲乙丙三班學生五十四名

城區公立初等高等小學校在城內西門文昌宮民國元年三月開辦勸學所暨城區自治籌辦經費修業年限高等三年初學四年學生高等十八名初等二十三名

師範傳習所光緒三十二年經縣長詳請開辦學生一百名該所係借程氏祠屋是年冬期滿十月畢業

廣里上三甲育英初等高等小學校在廣里土門河胡氏祠光緒三十三年二月開辦修業年限高等三年初等四年學生高等十九名初等二十九名

公立模範國高等小學校在關岳廟民國八年縣長徐呈報成立

畢業

王光祖北京中華大學法律科畢業

傅維心留東高等警務畢業

陳樹芳安徽師範學堂畢業獎給舉人

汪癸辰北京檢驗學堂畢業獎給八品銜

傅卓夫安徽高等學堂畢業日本經緯學校師範科畢業

彭杰安徽警務學堂畢業安徽高等巡警正科畢業

段續文北洋法政學校畢業

王廷賢安徽高等師範學堂畢業獎叙訓導

鄭衡之安徽高等學堂畢業獎給優貢日本明治大學畢業

英山縣志

卷之四

四

學校志

四三

金策先湖北法政學堂畢業

金笏先京師地方行政講習所畢業

鄭衍煒江西法政學堂畢業

鄭世郁安徽法政學堂法律專科畢業

段蔭凡北洋將弁學堂畢業

姜翊虞安徽高等巡警學校畢業

石秉楨安徽高等預科畢業獎給拔貢

沈達兩江師範優級選科畢業

汪定球陸軍小學畢業北洋陸軍中學畢業獎給拔貢生

鄭樾安徽高等學堂畢業

王壽炯安徽高等學堂畢業

余承蔭安徽中等實業學堂畢業

金作礪江西法政學堂畢業

金逃先南京上江公學堂畢業

金殿華安徽高等學校師範科畢業

鄭象伊日本明治大學經緯分校警務本科畢業

鄭遐濟安徽武備學堂畢業日本振武及士官等校步兵科畢業

段大珩保定府陸軍部軍械學堂畢業陸軍炮兵上尉加少校銜給六等文虎勳章又給八等嘉禾章

英山縣志

卷之四 學校志

四四

程佐廷安徽帥範學堂畢業獎給貢生

沈端兩江高等優級師範學校農博科畢業

鄭錫芳安徽高等學堂畢業議叙拔貢

段瑞蘭南洋陸師學堂日本明治大學法科並警監學校畢業

段兆龍日本高等警務學堂畢業

鄭凝之安徽工業學校畢業議叙優貢

汪荀安徽師範學校畢業

汪彥安徽省立第一師範畢業北京中國大學法律預科畢業

金文龍北洋警務畢業法政畢業

傅用楫安徽師範預科畢業

傅用槃湖北陸軍預備學校畢業保定陸軍軍官學校畢業

傅景梅安徽專門法政學校畢業

傅鏡清安徽優級師範選科畢業

徐谷蘭安徽優級師範校畢業獎給訓導師範科貢生北京中

華大學法律科畢業

徐念先安徽優給師範校畢業獎給貢生

王夢奎安徽優給師範校畢業獎勵舉人

鄭灝兩江優給師範本科畢業京師法政講習所畢業

杜渭濱安徽陸軍測繪學堂畢業

胡卓彭安徽優給師範學堂博物選科畢業獎給師範科舉人

英山縣志

卷之四 學校志

四五

吳嶺梅皖江中校師範科畢業

吳昱恒客籍安徽公立法政專門學校法律科畢業

胡炳麟江南上江中學畢業又胡北官立法政大學法科畢業

聶忠蓋安徽公立法政專門學校畢業

馮毓秀安徽公立法政專門校法律科畢業

譚紀官安徽公立法政專門學校法律科畢業

陳肇中安徽中等工業學堂理化科畢業

陳作濤保定陸軍中學堂馬醫科畢業

陳啟明安徽陸軍測繪學堂畢業

王時亮安徽公立法政專門學校政治別科畢業

沈厚安徽官立法政專門法律別科畢業

胡兩齋安徽法政學校畢業

姜琳安徽省立第一中學校畢業

胡殿魁安徽全省陸軍小學堂畢業

胡子釗江西法政學堂畢業

王泳北京中華大學法律科畢業

王樂臣日本東京經緯學校畢業

王義寬安徽法政學堂畢業

李燦華安徽公立法政專門學校畢業

胡鏡清安徽巡警學堂畢業

英山縣志

卷之四

學校志

四六

胡遠駿安徽公立法政專門學校科畢業

胡海鵬安徽國民法政專門學校法律別科畢業

聞子晉安徽巡警學堂畢業

馬化龍安徽高等巡警學堂兼陸軍將校講習所畢業

萬天柱陸軍第四中學畢業

呂士志留學日本高等警察科畢業法政大學自治科畢業

胡迺斌皖陸軍小學畢業京師陸軍預備校畢業

陳樹芬兩江師範畢業

陳家德兩江師範農博選科畢業

陳鎮兩江師範農博選科畢業安徽法政本科專門學校畢業

傅曜垣安徽武備學堂畢業

傅象求安徽武備學堂畢業日本鐵道大學管理科畢業

段式毅北洋陸軍軍官學校砲科畢業

段壽朋北洋陸軍軍官學校馬科畢業

段祖蔭北洋陸軍軍官學校步科畢業

段茂燮北洋陸軍中學校步科畢業

段驊茂北洋陸軍軍需學校畢業

段懋庸江蘇將校學堂畢業

段大瓊北洋陸軍軍需學校畢業

段驥昌北洋陸軍中學畢業

英山縣志

卷之四

學校志

四七

鄭梓臣安徽陸軍小學畢業北洋陸軍中學畢業獎給拔貢生

陳翼客籍湖北方言學校畢業

王瑞賢安徽高等巡警分校畢業

王度安徽高等巡警學堂正科畢業

金文龍北洋警務學校畢業安徽法政學校畢業

金鑑安徽省立高等警察學堂畢業

施錦淙南京東文學堂咨送日本經緯學堂普通科畢業日本

大學專門法律科畢業

余承侃安徽公立專門法政學校政治科畢業

金之聲安徽陸軍測繪學校畢業獎勵拔貢

金達慈京師中國公學大學預科畢業

鄭瀚江西官班法政畢業

鄭藩安徽公立法政專門學校法律科畢業

鄭濂安徽省立第一中學畢業

鄭象埜日本明治大學法科專門部正科畢業

鄭象山北京中華大學專門法科畢業

鄭燮南京警務學堂畢業

鄭迪光北京求實中學畢業

葉庶興日本東京鐵路專門學校畢業

葉興偉安徽省立第一師範學校畢業

英山縣志

卷之四

四

學校志

四八

段大楫北洋陸軍將弁學堂畢業授陸軍礮兵上校

段保大北京陸軍隨營學堂畢業

段遐濟安徽高等巡警學堂畢業

段茂漪山東客籍高等學堂畢業山東尙實學堂畢業

段茂琪山東模範高等小學堂畢業德文學校畢業

段福華北洋警察學校畢業

湯錫璋安徽法政專門學校政治經濟科畢業

沈晉興安徽省立第一中學校畢業

胡維哲安徽高等巡警學堂畢業

胡煦英安徽高等巡警學堂畢業

胡文棟安慶中學畢業

李盛平客籍北京法政專門學校政治經濟科畢業

彭藩安徽國民法政學校講習科畢業

彭錫圭安徽高等巡警分校畢業

彭灃同江西法政大學校科畢業

汪逢樸安徽省立第一中學校畢業

汪逢彬安徽省立第一中學校畢業

汪逢楠安徽省立第一中學校畢業

王博夫安徽公立法政專門學校政治別科畢業

徐壽華北京中華大學法律科畢業

英山縣志

卷之四

學校志

四九

徐隸華安徽優級師範校選科畢業

胡文瀾皖江中學畢業

胡文輝安慶府中學畢業獎給貢生

徐季麟南京警官學校畢業

徐化庚安徽實學畢業

徐海曙安徽巡警畢業

王乃昌京師巡警學校畢業

樂肇唐安徽省立專門法政學校畢業

王朝棟安徽法政畢業

徐嘉鏐安徽國民法政專門學校畢業

徐溥仁安慶江淮大學法政畢業

徐炳芬安徽國民法政專門學校畢業

徐自馨安徽國民法政專門學校畢業

徐盛麟安徽省立第一甲種農業學校農本科畢業

王仁山安徽國民法政專門學校畢業

徐鏗臨安徽國民法政專門學校畢業

鄭權南京高等學校畢業

鄭方熾蕪湖赭山中學畢業兩江優級師範畢業

鄭遐鼎安徽蠶桑學堂畢業

姜耀東南京警務學校畢業

英山縣志

卷之四 學校志

五十

李盛祝外籍安徽公立法政學校畢業

田禾瑞外籍安徽公立法政學校畢業

傅維垚安徽全省蠶業講習所畢業

傅晉卿安徽全省蠶業講習所畢業

陳鴻軒外籍安徽省立第一中學校畢業

張載棕安徽省立師範學校畢業

王猛奇山東東運中學堂正科畢業山東第一師範本科畢業

王尙志山東警察官學堂畢業

黃子濬安徽高等警務並安徽師範畢業

英山縣志卷四終

汪作鈞編